



**Breheimen
nasjonalparkstyre**

Postadresse
Postboks 987
2604 LILLEHAMMER

Besøksadresse
Skjåk utmarkssenter (v/Skjåk
Almenning), 2690 Skjåk og
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 61 26 62 10
fminpost@fylkesmannen.no
<http://www.nasjonalparkstyre.no/breheimen>

Aase Randi Fjeldberg
Burmavegen 160
2607 VINGROM

Saksbehandlar Stein Magne Grevrusten

Vår ref. 2020/7863-2 432.3

Dykkar ref.

Dato 25.11.2020

Delegert vedtak - Breheimen NP - dispensasjon - 2020 - oppføring av garn- og utstyrskasse - Lundadalen - Aase Randi Fjeldberg

I samsvar med delegasjonsfullmakt frå Breheimen nasjonalparkstyre gjev nasjonalparkforvaltaren Aase Randi Fjeldberg løyve til:

1. å setje opp ei garn- og utstyrskasse inntil hytte med gnr. 246 / bnr. 1 / fnr. 386 i Lundadalen som beskrive i søknaden. Vedtaket er fatta med heimel i § 3 pkt. 1.3 bokstav i i verneforskrift for Breheimen nasjonalpark.

Følgjande vilkår gjeld for løyve:

- Garnkassa skal ikkje overstige 1m³. Høgda kan vera inntil 0,8 m. Kassa skal ha ei mørk farge slik som hytta.
- Garnkassa skal plasserast inntil den eine veggen på hytta (gnr.246/bnr.1/fnr.386) der den er blir minst mogleg synleg frå områda rundt.
- Garnkassa skal merkast med eigars namn, adresse og telefonnummer.
- Dersom garnkassa ikkje lenger er i bruk til det som det ble søkt om skal den fjernast frå verneområdet. Breheimen nasjonalparkstyre kan også krevja at garnkassa blir fjerna frå verneområdet.

Statens naturoppsyn Breheimen vil kontrollere at tiltaket er gjennomført i samsvar med vedtaket.

2. transport av garn- og utstyrskasse med snøskuter til hytta ved Lundadalsvatnet i Breheimen nasjonalpark. Vedtaket er fatta med heimel i § 3 pkt. 6.3 bokstav e i verneforskrift for Breheimen nasjonalpark.

Følgjande vilkår gjeld for løyvet:

- Det skal brukast leigekøyrar som er godkjent av Skjåk kommune.

Nasjonalpark	Breheimen
Naturreservat	Høyrokampen
Landskapsvernområde	Strynefjellet, Mysubytta, Høydalen, Mørkridsdalen, Vigdalen



- Leigekøyrar skal samordne transporten med annan transport til osen på Lundadalsvatnet for å få ned talet på turar til eit minimum.
- Det blir gjeve løyve til inntil ein tur og løyvet gjeld fram til 20. april 2021.
- Løyvet gjeld ikkje sundagar og andre heilagdagar.
- Tilvist køyrerute for transporten er: Sota – Sotflya – Herbergsbakkane – Gjelåflaten – Steinflye – Holåbreen – bu ved osen på Lundadalsvatnet.
- Ved fleire snøskuterar samla, og på retur, skal ein følgje same sporet/ruta.
- Transporten skal gå før seg med aktsemd for å unngå skade på naturmiljø og av omsyn til friluftslivet.
- Leigekøyraren skal ta spesielt omsyn til villrein under transporten. Om det er villrein i planlagt køyrerute skal ein vike frå tilvist rute, og køyre rundt i god avstand på le side slik at reinen ikkje blir skremt.
- Køyringa skal meldast Statens naturoppsyn Breheimen (Øyvind Angard: 917 33 365) på SMS.
- Løyvet til motorferdsel og køyrebok skal vere med under transporten. Køyrebok skal fyllast ut før kvar tur og liggje i køyretøyet under turen saman med løyvet.
- Køyrebok skal sendast forvaltningsmyndet innan 1. juni 2021.

Vi gjer oppmerksam på at dette løyvet berre gjeld i forhold til verneforskrifta for Breheimen nasjonalpark. Søkjar er sjølv ansvarleg for å innhente eit eventuell løyve etter anna lovverk frå Skjåk kommune og grunneigar.

Vedtaket kan klagast inn for Miljødirektoratet av ein part eller andre med rettsleg klageinteresse, jf. forvaltningslova § 28. Frist for klage er tre veker frå vedtaket er motteke. Ei eventuell klage stilast til Miljødirektoratet, men sendes til Breheimen nasjonalparkstyre.

Dokument i saka

- Telefonsamtale den 14. juli 2020.
- Søknad frå Aase Randi Fjeldberg, datert 7. juni 2020.


Saksopplysningar

Søknaden er attgjeve nedanfor:

Jeg er opprinnelig fra Skjåk og har tilgang til båt og overnatting i Lundadalen. Jeg har imidlertid ikke eierandel i noen av hyttene og søker derfor om å sette opp en kasse i treverk for oppbevaring av fiskeutstyr, redningsvester ol. Etter det jeg forstår er maks størrelse 1 kubikk og jeg søker derfor om å sette opp ei kasse på 1,25 x 0,8 x 1 m. Kassen er tenkt satt



opp inntil veggen på ene hytta som vist i kartutsnitt. Kassen vil være i mørk utførelse. Jeg har forespurt eierne av hytta og de har ingen innvendinger til plasseringen.



Kart vedlagt søknaden. Pil viser hytta der kassa blir plassert.

Heimelsgrunnlag

Delegering

Miljøverndepartementet har i brev av 1. februar 2011 delegert forvaltningsmynde for Breheimen nasjonalpark til Breheimen nasjonalparkstyre. Dette er gjort med medhald i naturmangfaldlova § 62.

I medhald av styresak 7/2016 og styresak 2/2020 har Breheimen nasjonalparkstyre gjort vedtak om å delegere behandling av enkelte saker til nasjonalparkforvaltaren. Dette er gjort med heimel i nasjonalparkstyrets vedtekter. Vedtaket gjev nasjonalparkforvaltarane i Breheimen myndigheit til å treffe vedtak i saker som gjeld søknad om løyve etter verneforskriftenes spesifiserte dispensasjonsbestemmingar, samt kurante saker etter naturmangfaldlova § 48 for verneområda i Breheimen.

Verneformål – verneforskrift

Føremålet med Breheimen nasjonalpark er å ta vare på eit stort, samanhengande og villmarksprega naturområde som inneheld særeigne, representative økosystem og landskap utan tyngre inngrep. Vidare er føremålet med nasjonalparken m.a. å ta vare på eit høg fjellsøkosystem med eit eigenarta og variert biologisk mangfald, ta vare på leveområde til villreinstammen i Reinheimen-Breheimen villreinområde, vegetasjon og landskap, og å ta



vare på kulturminne. Ålmenta skal ha høve til uforstyrra oppleving av naturen gjennom utøving av naturvenleg og enkelt friluftsliv med lita grad av teknisk tilrettelegging.

Etter verneforskrift for Breheimen nasjonalpark er all bygging og oppføring av installasjonar forbode i nasjonalparken (jf. § 3 pkt. 1.1), med unntak gjeve i § 3 pkt. 1.3.

Forvaltningsmyndigheita kan gje løyve til bl.a.:

- *oppsetting av kassar for utstyr og proviant ved fiskevatn i Skjåk allmenning i samsvar med retningslinjer fastsette i forvaltningsplan, jf. § 5. (§ 3 pkt. 1,3 bokstav i i verneforskrift for Breheimen nasjonalpark).*

Forvaltningsplan

I forvaltningsplanen står følgande retningslinjer i forbindelse med utplassering av garnkasser i Breheimen nasjonalpark:

Etter søknad kan det gjevast løyve til oppsetting av kassar for utstyr og proviant ved fiskevatn. Innanfor Breheimen nasjonalpark gjeld dette ved fiskevatn i Skjåk Almanning, og innanfor Mørkridsdalen landskapsvernområde gjeld det ved fiskevatn der det er kassar frå før.

Ved løyve vil det bli sett vilkår om at kassen skal kunne brukast av fleire, t.d. i regi av grunneigar eller jeger- og fiskeforeiningar der det er etablert fiskebestandar som bør haustast.

Alle kassar skal merkast med namn, adresse og telefonnummer.

Ein kasse for utstyr og proviant skal ikkje vere større enn 1 m³.

Største høgde skal ikkje overstige 0,8 m.

Kassar for utstyr og proviant skal ikkje synast i terrenget. Ein kasse skal difor ikkje vere større enn at han kan ligge i eller under båten når han ikkje er i bruk.

Kassane skal ikkje beisast i sterk farge, dei skal primært vere ubehandla eller grå.

Synlege flater skal dekkjast til med naturleg material i området.

Det er forbod mot å kople fleire kassar saman, når føremålet er å skape bueiningar.

Kassar som ikkje lenger er i bruk skal fraktast ut or nasjonalparken/landskapsvernområdet.

Garnkassar skal registrerast hjå forvaltingstyresmakta.

Det skal førast ei samla oversikt over plasseringa av kassane, med opplysningar om eigar og nøyaktig UTM-koordinat. Ein skal forsøke å legge opp til sambruk av kassane, for å halde talet på slike kassar nede.

Den som plasserer ut kassar for utstyr og proviant ved fiskevatn må sjølv ordne med naudsynt løyve frå grunneigar.



Ved løyve skal det setjast vilkår om at objekt av kulturhistorisk verdi (hustuffer, dyregraver og liknande) ikkje skal skadast.

Naturmangfaldlova

Omsynet til verneverdiane i området blir vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1(Føremål), 4 og 5 (forvaltingsmål for naturtypar, økosystem og artar), samt § 7 (prinsipp for å ta offentleg avgjerd), jf. § § 8-12 (kunnskapsgrunnlaget og miljørettslege prinsipp).

Vurdering

Aase Randi Fjeldberg søker Breheimen nasjonalparkstyre om å få sette opp ei garn- og utstyrskasse ved ei private hytte i Lundadalen. Søklar har tilgang til båt og overnatting ved Lundadalsvatnet, men har ikkje tilgang på lagringsplass for fiskeutstyr m.m. Søklar har ikkje eigardel i nokon av hyttane i området. I telefonsamtale med søklar blir det uttrykt ønskje om å få nytte leigekøyrar til transport av utstyrs-kassa vinteren 2021.

Nasjonalparkforvaltar meiner at det er tilstrekkeleg kunnskap om området og konsekvensane av tiltaket. Med bakgrunn i forvaltningsplanen for Breheimen, databasar (InnlandsGIS, Naturbasen og Artsdatabanken), ulike naturfaglege rapportar og generell kunnskap om området, er det god oversikt over kva som kan påverke natur og miljø negativt. For å ivareta naturmiljøet kan forvaltningsmyndigheita bl.a. stille villkår som har som formål å avgrense ein eventuell skadeverknad av eit eventuelt løyve (§ 8).

Garn- og utstyrskasse

Lundadalsvatnet ligg lengst inn i Lundadalen ca.1150 moh. Vatnet er omkransa av fjell over 2000 moh på alle kantar. Lundadalsvatnet er eit godt fiskevatn og har vore aktivt brukt sidan det kom fisk der rundt 1920. Alle installasjonar ved vatnet er konsentrert ved utløpsosen på vatnet. Det er nokre utstyrs-kasser ved vatnet frå tidlegare. Dispensasjonspraksisen med utstyrs-kasser av denne størrelsen er sær eigen og må handhevast på ein slik måte at det ikkje får negative konsekvensar for verneområde.

Aktiviteten i området er størst i juli og august månad i forbindelse med garnfiske, men hyttene er også noko brukt til ut i september. Om vinteren/våren er bruken av området liten. Når det gjeld omsynet til fugle- og dyrelivet så vil ikkje tiltaket vera konfliktfylt. I denne samanhengen må det leggjast til grunn at garnkassa blir plassert inntil eksisterande hytte for å unngå frittstående plassering i terrenget.

Tiltaket vil kunne skape presedens for andre som driv med garnfiske og som ønskjer å lagre sitt eige fiskeutstyr i kasser. Gjennom forvaltningsplanprosessen er det gjort ei avklaring om at det kan gjevast løyve til oppsetting av nye garnkasser for lagring av utstyr og proviant, avgrensa til fiskevatn på grunneigedommen til Skjåk Allmenning. Omfanget er derfor relativt

oversiktleg, og behovet er avgrensa til fiskevatn der dette har vore ein tradisjon før vernet vart oppretta. Den samla belastninga for verneverdiane er vurdert til å vera akseptable i dette tilfelle.

Motorferdsel

I samband med registrering av områdebruken til villreinen er det registrert at villreinen i Ottadalen sør brukar området mellom Tundradalen og Lundadalen som vinterbeite. I eit møte med Ottadalen villreinnemnd og Ottadalen villreinutval i 2013 vart det bestemt at ein skulle gå over til ein ny trase for å unngå vinterområdet til villreinen. Denne traseen startar på Sota og går inn på Sotflya, vidare ned Herbergsbakkane lengst inne i Tundradalen. Så vidare opp på Steinflya og ned på Holåbreen til Lundadalsvatnet. Traseen vart fyrste gong brukt for all køyring til Lundadalen i 2015. Leigekøyrarar som har køyreoppdrag til Lundadalen må gå saman om å samordne køyringa mest mogleg og utføre desse transportsortane over eit stutt tidsrom.



Kart som viser godkjent trasé.

Det er viktig at all transport blir gjennomført på ein skånsam måte for å redusere påverknaden på bl.a. villreinen. Tilvist transportrute er lagt med tanke på minst mogleg forstyrring av villreinen, men det kan vera villrein langs ruta. Førar må derfor ta kontakt med Statens naturoppsyn Breheimen (SNO) før køyringa startar. Dersom det er kjennskap til om det er villrein langs den planlagde køyreruta kan SNO gje informasjon om dette. Dersom villrein skulle dukke opp er det viktig å vike frå tilvist rute, og køyre rundt i god avstand på le side slik at reinen ikkje blir skremt. Totalt sett for alle verneområda i Breheimen er motorferdsla liten, men Lundadalen er av dei områda med mest køyring på vinterstid. Det er derfor viktig å følgje utviklinga framover.

Ut ifrå noverande vurdering meiner nasjonalparkforvaltar at det ikkje er aktuelt å ta i bruk føre-var-prinsippet i denne saka dersom vilkåra i saka blir følgt. Den samla belastninga som



økosystemet blir utsett for er vurdert som liten (§§ 9-10). Tiltakshavar pliktar å iverksette dei tiltak som er nødvendig for at naturmangfaldet ikkje skal bli skadelidande. Om ikkje dette blir gjort kan tiltakshavar bli pålagt å iverksette tiltak for å rette skaden i ettertid. Når det gjelder miljøforsvarlege teknikkar blir dette sikra gjennom vilkåra som er stilt i saken (§§ 11-12).

Med helsing

Stein Magne Grevrusten
nasjonalparkforvaltar

Etter våre rutinar er dette brevet godkjent og sendt utan underskrift

Kopi går i e-post til:
Fylkesmannen i Innlandet
Miljødirektoratet
Skjåk Almenning
Skjåk kommune
Statens naturoppsyn Breheimen v/ Øyvind Angard